


# SEÑOR TA REINA




"Señor ta reina, E  
ta bistí ku  
mahestat; Señor  
ta bistí ku  
fortalesa, ku kua  
El a faha Su mes:  
e mundu tambe ta  
stablesí, asina ku  
e lo no por wòrdu  
moví."

(Salmo 93:1)



E salmonan ta proklamá Dios Su soberania riba henter e Tera. E ta e Rei riba kada gobiernu terenal, i riba kada persona kende ta biba riba nos planeta.

Ounke hopi gobiernunan no ta aseptá soberania divino, òf ta asta den rebellion habrí kontra di esaki, Dios tin suhetonan leal dor di henter e mundu kende ta pegá na e pakto ku e Kreador, Rei i Hues ta ofresé nos, i ta leal na Su Lei.



**E Kreador  
(Salmo 8; 100)**

**E Rei (Salmo 97)**

**E Hues (Salmo 75)**

**E pakto (Salmo 7;  
105)**

**E Lei (Salmo 25)**


# E KREADOR

"Ora mi konsiderá Bo shelunan, e obra di Bo dedenan, e luna i e streeanan, kual Bo a ordená" (Salmo 8:3)

Pakiko Dios ta e Señor di e Tera kompleto?

Ya kaba El a eksistí promé  
ku e Tera a eksistí: "Bo a  
eksistí semper"  
(Salmo 93:2 NIV)

E mundu ta  
pertenesé na Dios,  
pasombra El a  
krea esaki (Salmo  
89:11)



E tin poder riba  
naturalesa  
(Salmo 29:5-8)

Kreashon mes ta deklará  
e gloria di Dios (Salmo 8:1; 19:1)

E lo sigui eksistí  
ora ku E Tera aki  
disparsé  
(Salmo 102:25-27)

E ta superior na  
kualke dios di e  
nashonnan, kende  
ta inventonan  
humano (Salmo  
115:2-4)



Mirando rònt di nos, nos por pensa ku humanidat  
ta grandi, ku esaki a hasi hazañanan i maravianan  
grandi. Pero e salmista  
konfidentemente(siguramente) ta deklará: "Sabi  
ku Señor ta Dios; El a traha nos, i no ta nos mes a  
traha nos mes" (Salmo 100:3).

Nos ta solamente mayordomonan di loke  
Dios a krea (Salmo 8:5-9 ). E so ta meresé  
nos adorashon i lealtat supremo.

**"Señor ta reina; laga e tera regosihá; laga e  
multitut di islanan ta kontentu di eseí "** (Salmo 97:1)

# E REI



**Apesar di ta e Rei di e Tera kompleto i ta goberna ku hustisia i  
miserikòrdia, poko ta rekonosé Su soberania.**

Sinembargo, Su disipelnan ta deleitá den Su huisionan hustu (Salmo 97:8, 12). Pa medio di fe, Dios Su pueblo ta regosihá den e stablesimentu di Dios Su Reino dor di e ministerio redentivo di Kristu i nan ta mira padilanti na e konsumashon(kulminashon) di e Reino na Su Segunda Binida (Dan. 2:44).

**Salmonan ta mustra Dios como un rei bistí ku onor, mahestat i  
fortalesa (Salmo 93:1), kubrí ku Ius (Salmo 104:2). Segun e  
Salmonan, pakiko Dios a wòrdú proklamá Rei?**

**Pasombra E ta Kreador (Salmo 149:2)**


**Pasombra E ta Salbado (Salmo 74:12)**

**Pasombra E ta stablesé e mundu (Salmo 96:10)**

**Pasombra E ta miserikòrdioso (Salmo 98:3)**

**Pasombra esaki ta korekto (Salmo 97:2)**


**Pasombra esaki ta uni Shelu i Tera den alabansa (Salmo  
148)**



# HUES

"Bo ta bisa, "Mi ta skohe e tempu stipulá;  
ta Ami Kende ta huzga ku equidat(rektitut)" (Salmo 75:2)

Komo Rei soberano, Dios ta tambe Dunadó di lei I Hues (Salmo 99:7; 7:11). Salmo 75 intensamente ta deskribí e trabou di e Hues i e proseso i kulminashon di Su huisio:



E Hues a apuntá un tempu ora ku E lo kuminsa pa huzga (Salmo 75:2)




Huisio lo wòrdú tené i ehekutá promé ku humanitat mes destruí e Tera (Salmo 75:3)



Promé di huzga kada caso, Dios ta spierta i ta duna oportunidat na e perverso(malbado) pa repentí (Salmo 75:4-7)



Na final di e huisio, Dios lo basha e plaganan di e kopa di rabia, yená ku biña mesklá, riba e malbadonan (Salmo 75:8)



Na e tempu ei, lo tin un remanente fiel riba Tera kende lo alabá Dios (Salmo 75:9)



Finalmente, tur pekador no-repentí lo wòrdú destruí pa semper; i e hustunan lo biba pa semper (Salmo 75:10)



Pakiko, promé ku papia di huisio, e salmista ta gradisi Dios (Salmo 75:1)?

Pasombra esnan di nos kende ta konfia den e amor di Dios no tin nada pa teme di huisio, desde ku nos pikánan a wòrdú pordoná i nos ta konfia den e Abogado Kende no ta pèrdè ningun kasos (Santiago 2:13; 1Juan 2:1).

**"Lanta, O Señor, den Bo rabia;  
Halsa Bo mes pa motibu di e furia di mi enemigunan;  
Spiertá mi na e huisio ku Bo a ordená!" (Salmo 7:6)**

# E PAKTO

E siguransa ku Dios Su pueblo tin di ta wòrdú apsolvé na huisio ta ta basá riba e pakto(akuerdo) ku Dios a hasi ku nan (Salmo 105:7-8).

**El a sera e  
aliansa ku  
Abraham i Isaak  
(Salmo 105:9)**

**El a  
ratifiká(konfirmá)  
esaki ku Jakòb,  
kual ta Israel  
(Salmo 105:10-11)**

**Desde ku nan tabata  
poko i debil, El a  
protehá nan (Salmo  
105:12-15)**

**El a salba Israel  
dor di Jose  
(Salmo 105:16-  
24)**

**Ora ku nan a  
wòrdú sklabisá, El  
a libra nan (Salmo  
105:25-38)**

**El a protehá nan  
den e desierto  
(Salmo 105:39-  
43)**

**El a stablesé nan den  
Kanaan, e Tera Primintí  
(Salmo 105:44)**

**Komo parti di e aliansa, e  
pueblo mester a warda e  
Lei (Salmo 105:45)**




Dios ta duna nos Su hustisia i protekshon; E ta libra nos for di maldat i ta salba nos. Nos parti ta pa brasa Su pakto i ta dispuesto pa obedesé Su leinan. (Salmo 7)

Nos a wòrdú yamá pa proklama e aliansa entre e nashonnan, asina ku nan tambe lo por alabá Dios (Salmo 105:1-4).





# E LEI

“Tur e berehanan di Señor ta miserikòrdia i bèrdat, Pa esnan ku ta warda Su aliansa i Su testimonionan” (Salmo 25:10)



Intimamente konektá na e pakto ta e “testimonionan.” E testimonionan ta e sèt di leinan i ordenansianan ku Dios a duna na Su pueblo como e fundeshi di e gobierno di Su Reino.

Tur e testimonionan ta derivá(originá) for di un fuente komun: e dies mandamentunan. Kiko e Salmonan ta bisa nos tokante di e Lei òf testimonio?

-  **Salmo 1:1-3. Nan ta hasi nos felis i fruktífero**
-  **Salmo 25:10. Nan ta guia nos riba kamindanan di miserikòrdia i bèrdat**
-  **Salmo 93:5. Nan ta duna nos seguridat, pasombra nan ta firme**
-  **Salmo 112:1-2. Nan ta un bendishon na nos famia.**
-  **Salmo 119:165. Nan ta duna nos pas**
-  **Salmo 119:110. Nan ta prevení nos di kai den e enemigu su trampanan**

E salmistanan ta apelá na Dios, Kende ta Kreador, Rei, Hues, Soberano di Pakto, i Dunadó di Lei. Den e mundu nos por ta seif i sigur, asta meimei di e konfushon di e gran Kontroversia, pasombra Dios ta soberano i fiel den tur ku E ta hasi i bisa.

**“ Nos Kreador hustamente ta reklamá e derechi pa hasi manera E ta skohe ku e kriaturanan di Su mannan. E tin e derechi pa goberná manera E kier, i no manera hende ta skohe. Pero E no ta un hues severo, un kreditor skerpi(gròf) i eksigente. E ta e berdadero fuente di amor, e dunadó di bendishonnan inumerabel. [...] Nos no ta meresé tur Su benefisionan; pero nan ta kontinuá na nos, apesar di nos indignidat i ingratitud kruel. Anto stòp di keha como sifuera boso tabata sirbidónan mará bou di un kapatas duru. Hesus ta bon. Alab’É. Alaba Esun Kende ta e salú di boso kara(eksprešion), i boso Dios.”**